

## FAQs: Cryptocurrency na Bitcoin

| Xivutiso |                                                                                                                                                                                                                        | Nhlamulo                                                                                                                                                                                                                                                                                                                                                                                                                                                                                              |
|----------|------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Q1.      | Xana SARS yi teka njhani khiripitokharensi; xana mi yi teka tanihi kharensi ya ntiyiso?                                                                                                                                | Khiripitokharensi a yi tekiwi tanihi mali leyi nga enawini; hambiswiritano xivutiso xa wena xi yelana na xiyimo xa xinawu xa khiripitokharensi naswona xi nga hlamuriwa ku antswa hi Banginkulu ya Afrika-Dzonga. Endzela <a href="http://www.resbank.co.za">www.resbank.co.za</a> .                                                                                                                                                                                                                  |
| Q2.      | Xana khiripitokharensi ku tirhaniwa njhani na yona hi swikongomelo swa xibalo?                                                                                                                                         | Tithiransakixini kumbe nkumbetelo eka khiripitokharensi swi lawuriwa hi milawu ya ntolovelu ya nawu wa xibalo wa Afrika-Dzonga naswona yi ta hakerisiwa xibalo hi mfanelo. A hi swi koti ku ku nyika xitsundzuxo, hambiswiritano, hi ku ya hi timhaka na swiyimo swa mhaka ya wena, xibalo xa mbuyelo wa nxaviso wa nhundzu kumbe xibalo xa ntolovelu swi ta tirhisiwa.                                                                                                                               |
| Q3.      | Xana munhu loyi a "mayinaka" khiripitokharensi tanihi vuxavisi kumbe bindzu u fanele a hakela xibalo eka mali leyi ngenaka leyi kumiweke eka migingiriko yaleyo?                                                       | Mali yaleyo leyi ngenaka yi fanele yi hakela xibalo xa ntolovelu. Munhu a nga ha boheka ku titsarisela tanihi muhakelaxibalo wa nkarhinyana loko ku ve ntsengo wa mali leyi ngenaka leyi hakerisiwaka xibalo leyi kumiweke yi hundza mpimo lowu faneleke ku hakela xibalo eka lembeximali.                                                                                                                                                                                                            |
| Q4.      | Muhakelaxibalo loyi a amukelaka khiripitokharensi tanihi hakelo eka tinhundzu kumbe vukorhokeri u fanele a katsa, eku hlayeleni ka giroso ya mali leyi ngenaka, mpimanyiso wa nxavo wa le makete wa khiripitokharensi? | Ina, mali yaleyo leyi ngenaka yi fanele ku hakela xibalo xa ntolovelu.                                                                                                                                                                                                                                                                                                                                                                                                                                |
| Q5.      | Xana khiripitokharensi leyi kumiweke hi n'watikondiraka loyi a tiyimeleke hi yexe yo va a endlile vukorhokeri yi hoxa xandla eka mali leyi ngenaka ya munhu loyi a ti tholeke hi yexe?                                 | <p>Mali yaleyo leyi ngenaka yi fanele yi hakela xibalo xa ntolovelu. Munhu a nga ha boheka ku titsarisela tanihi muhakelaxibalo wa nkarhinyana loko ku ve ntsengo wa mali leyi ngenaka leyi hakerisiwaka xibalo leyi kumiweke yi hundza mpimo lowu faneleke ku hakela xibalo eka lembeximali.</p> <p>Misuso ya pfumeleriwa loko yi landzelerisa milawu ya ntolovelu ya xibalo xa mali leyi ngenaka, yo fana na loko ku ve ntirhiso wa mali wu endlekile eka humeleriso wa mali leyi ngenaka kumbe</p> |

|      |                                                                                                                                                                            |                                                                                                                                                                                                                                                  |
|------|----------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------|
|      |                                                                                                                                                                            | swikongomelo swa vuxavisi.                                                                                                                                                                                                                       |
| Q6.  | Xana khiripitokharensi leyi hakeriweke hi muthori, tanihi muholo eka vukorhokeri, yi hoxa xandla eka tihakelo ta swikongomelo swa xibalo xa ntholo?                        | Mali yaleyo leyi ngenaka yi tekiwa tanihi muholo wa swikongomelo swa xibalo naswona leyi faneleke ku hakela xibalo.                                                                                                                              |
| Q7.  | Xana muhakelaxibalo u fanele a hakela mindziho loko a tirhanile na thiransakixini ya khiripitokharensi hi endlelo leri nga fambisani na milawu ya xibalo ya Afrika-Dzonga? | Muhakelaxibalo a nga ha hakela mindziho, hi ku ya hi endlelo leri nga endleka. Vona Kavanyisa ka 16, na xiphemu xa 223 ngopfungopfu, swa Nawu wa Vufambisi bya Xibalo, 2011.                                                                     |
| Q8.  | Xana i yini lexi nga tekiwaka tanihi hi vumbhoni lebyi amukelekaka bya mixavo yo xava na nxaviso?                                                                          | Tirhasisti ta ntolovelu na / kumbe tiinvhoyisi swi ta vonakala.                                                                                                                                                                                  |
| Q9.  | Xana nxavo wo xava wu nga va nxavo lowu hakeriweke hi siku ro xava kumbe na mikavelo ya nhlaxoxikarhi ya lembe?                                                            | Nxavo wo xava wu kumisiwa eka siku leri nga hatlisa ri fika ra amukelo na nhlangeleto. Khiripitokharensi a yi tekiwa tanihi nkavelo naswona SARS a yi teki tanihi nhlaxoxikarhi ya lembe.                                                        |
| Q10. | Xana SARS yi ta landzelerisa njhani tithiransakixini ta Bitcoin?                                                                                                           | Hi ku ya hi nawu, SARS yi nyikiwile nhlangeleto wa matimba yo tala hi ku ya hi Nawu wa Xibalo xa Mali leyi Ngenaka. Tiphurosese ta nsindziso na oditi i ta xihundla naswona a ti averiwi swirho swa vaaki.                                       |
| Q11. | Xana ku hakerisiwa ka xibalo eka Bitcoin ku tirha hi ku landzela leswi nga hundza naswona mindziho yi ta sindzisiwa eka mpfumaleko wa nandzeleriso?                        | Tithiransakixini leti katsaka tikhiripitokharensi ti ta landzela milawu ya ntolovelu ya xibalo. Hi mukhuva wolowo, mindziho na ntswalo swi ta hakerisiwa hi ntolovelu.                                                                           |
| Q12. | Xana tihakelo leti endlekeke eka vuxavisi bya khiripitokharensi ya Bitcoin bya suseriwa xibalo kumbe e-e?                                                                  | Tihakelo leti endlekeke eka tikhiripitokharensi ta suseriwa xibalo loko ti ri eka xiyimo xo fikelela swilaveko hinkwaswo swa Nawu wa Xibalo xa Mali leyi Ngenaka.                                                                                |
| Q13. | Bitcoin a hi kharensi kumbe nhundzu. Xana yi hakerisiwa njhani xibalo?                                                                                                     | Hi avelana mbono wa wena leswaku bitcoin a hi kharensi eka swikongomelo swa xibalo xa mali leyi ngenaka swa le Afrika-Dzonga; hambiswiritano, yi tekiwa tanihi nhundzu ya swikongomelo swa xibalo xa mali leyi ngenaka kumbe xitoko xa vuxavisi. |
| Q14. | Xana ndzi tivisa njhani vuxavisi bya khiripitokharensi ya Bitcoin eka ntlheriso wa                                                                                         | Mali leyi ngenaka kumbe nxavo wa le makete wu vumba xiphemu xa ntsengo                                                                                                                                                                           |

|      |                                                                                                          |                                                                                                                                                                                                                                                                                    |
|------|----------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------|
|      | mina wa Xibalo xa Nkarhinyana (IRP6)?                                                                    | wa mali leyi nghehaka leyi hakerisiwaka xibalo lowu kumiweke hi muhakelaxibalo mayelana na lembe ra nhlelelo leri xibalo xa nkarhinyana xi faneleke ku hakeriwa hi rona.                                                                                                           |
| Q15. | Xana ndzi tivisa njhani naswona kwihi mali leyi nghehaka ya khiripitokharensi eka fomo ya mina ya ITR12? | Hi ku ya hi timhaka na swiyimo swa mhaka ya wena, xibalo xa mbuyelo wa nxaviso wa nhundzu kumbe xibalo xa ntlovelo xi nga ha tirhisiwa. Muhakelaxibalo u ta tivisa mali yaleyo leyi nghehaka ya xibalo eka khodi ya xihlovo kumbe khonthena leyi nyikiweke ya ntlheriso wa xibalo. |